

Na osnovu člana 16. stav 4. Zakona o Vladi Zeničko-dobojskog kantona – prečišćen tekst («Službene novine Zeničko-dobojskog kantona», broj 7/10), člana 51 Zakona o izvršavanju Budžeta Zeničko-dobojskog kantona za 2014. godinu („Službene novine Zeničko-dobojskog kantona“ broj: 15/13), a u vezi sa tačkom I. Zaključka Vlade Zeničko-dobojskog kantona broj: 02-14-11464/14 od 03.06.2014.godine, Vlada Zeničko-dobojskog kantona, na 174. sjednici, održanoj 25.07.2014. godine, d o n o s i

ZAKLJUČAK

I.

Daje se saglasnost na Program utroška sredstava Fonda za zaštitu okoline za 2014. godinu kojim se namjenska sredstva Fonda za zaštitu okoline u iznosu od 854.500,00 KM stavljaju na raspolaganje općinama Zeničko-dobojskog kantona u svrhu sanacije šteta u oblasti okoliša nastalih usljed elementarne nepogode.

II.

Usvajanjem ovog Programa utroška sredstava Fonda za zaštitu okoline za 2014.godinu stavlja se van snage Programa utroška sredstava Fonda za zaštitu okoline za 2014.godinu usvojen Zaključkom Vlade Zeničko-dobojskog kantona broj: 02-23-3173/14 od 06.02.2014. godine.

III.

Za realizaciju ovog Zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija

IV.

Zaključak stupa na snagu danom donošenja.

Broj: 02-_____/14.

Datum, 25.07.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,

1x Ministarstvo finansija,

1x a/a.

P R O G R A M

utroška sredstava Fonda za zaštitu okoline za 2014.godinu

I

Projekcijom budžeta Kantona za 2014 godinu planirana sredstva Fonda za zaštitu okoline iznose 5.350.000,00 KM. Od tih sredstava, u skladu sa Zakonom o povjeravanju javnih ovlaštenja iz oblasti zaštite okoline, na razdjelu 2204 planirana su sredstva u iznosu od 1.000.000,00 Univerzitetu u Zenici-Matalurškom Institutu „Kemal Kapetanović“. Sredstva u iznosu 4.350.000,00 KM raspoređuju se, u skladu sa Odlukom o načinu raspodjele sredstava Fonda za zaštitu okoline broj: 02-14-27197/12 od 07.12.2012. godine („Službene novine Zeničko-dobojskog kantona“ broj:18/12) u omjeru 80% sredstava u budžete općina a 20% su pripadajuća sredstva Kantona.

Sredstva, u iznosu od 3.480.000,00 KM se usmjeravaju u općinske budžete a troše se namjenski za planove i projekte iz oblasti zaštite okoline. Izvještaj o utrošku tih sredstava općine na kraju godine dostavljaju Ministarstvu za prostorno uređenje, promet i komunikacije i zaštitu okoline, koje priprema cjeloviti Izvještaj za Vladu Zeničko-dobojskog kantona.

Pripadajuća sredstva kantona koriste se za realizaciju projekata zaštite okoline, te za potrebe interventnog djelovanja u slučaju ekoloških incidenata ili elementarnih nepogoda.

Planirana sredstva Fonda za zaštitu okoline u 2014 godini, koja pripadaju Ministarstvu za prostorno uređenje, promet i komunikacije i zaštitu okoline iznose:

Ekonomski kod	Vrsta izdatka	Iznos sredstava
6139	Ugovorene usluge	15.500,00 KM
6141	Transferi drugim nivoima vlasti	854.500,00 KM

II

Planirana sredstva u iznosu od 870.000,00 KM koja pripadaju Ministarstvu za prostorno uređenje, promet i komunikacije i zaštitu okoline za 2014. godinu će se zbog šteta nastalih tokom elementarnih nepogoda-poplava, a u skladu sa zaključkom Vlade Zeničko-dobojskog kantona broj: 02-14-11464/14 od 03.06.2014.godine preusmjeriti općinama Zeničko-dobojskog kantona u svrhu sanacije posljedica poplava i klizišta.

1. Naziv projekta: Pomoć općinama Zeničko-dobojskog kantona u saniranju posljedica poplava i klizišta izazvanih elementarnim nepogodama.

Cilj projekta: U svrhu zaštite ljudi, biljnog i životinjskog svijeta neophodno je najugroženijim općinama Zeničko-dobojskog kantona pomoći u saniranju posljedica poplava i klizišta, za oblast okoliša, na način da se obezbjedi najneophodnija infrastrukturna oprema potrebna za aktivnosti u normalnim uslovima. To podrazumijeva nabavku kontejnera, vozila za prikupljanje otpada i druge neophodne opreme kao i hitnu i neophodnu sanaciju oštećenih deponija.

Osim toga neophodno je pristupiti poslovima konačnog zbrinjavanja različitih vrsta otpada koji se sada nalazi na za to nelegalnim mjestima uključujući i neke općinske deponije, a pogotovo imajući u vidu stepen oštećenja tih deponija.

Osnovni kriterij za raspodjelu sredstava je stepen oštećenosti, odnosno nastale štete koje je definirala Kantonalna komisija za procjenu šteta.

Iznos sredstava: 854.500,00 KM će se utrošiti na slijedeći način:

R.br.	OPĆINA	IZNOS U KM
1.	Breza	20.000,00
2.	Doboj jug	30.000,00
3.	Kakanj	50.000,00
4.	Maglaj	175.000,00
5.	Olovo	70.000,00
6.	Vareš	40.000,00
7.	Visoko	20.000,00
8.	Usora	20.000,00
9.	Tešanj	30.000,00
10.	Zavidovići	100.000,00
11.	Zenica	175.000,00
12.	Žepče	124.500,00
UKUPNO		854.500,00 KM

Općinama će se navedena sredstva transferisati nakon poziva a na osnovu projekata iz oblasti okoliša koje će općine dostaviti Ministarstvu za prostorno uređenje, promet i komunikacije i zaštitu okoline.

Nakon realizacije projekata općine će ministarstvu dostaviti izvještaj o utrošku sredstava.

2. Naziv projekta: Izdavanje časopisa o zaštiti čovjekove okoline «ZE-DO EKO»

Cilj projekta : Redovno informisanje o aktivnostima na području svih općina Zeničko-dobojskog kantona, trendovima u oblasti zaštite okoline te podizanje ekološke svijesti svih slojeva stanovništva, a naročito mladih.

Iznos sredstava: 12.000,00 KM

3. Naziv projekta: Upravljanje kvalitetom zraka na lokalnom nivou

Cilj projekta: Ovaj projekat podrazumijeva održavanje stručnog seminara koji se odnosi na pristup upravljanju kvaliteta zraka, monitoring kvaliteta zraka obradu i tumačenje dobivenih rezultata monitoringa itd. što je kompatibilna aktivnost sa uspostavom monitoring centra na UNZE-Metalurškom Institutu „Kemal Kapetanović“.

Iznos sredstava: 3.500,00 KM

REKAPITULACIJA

R.br	NAZIV PROJEKTA	IZNOS SREDSTAVA (KM)
1.	Pomoć općinama Zeničko-dobojskog kantona u saniranju posljedica poplava i klizišta izazvanih elementarnim nepogodama	854.500,00
2.	Izdavanje časopisa „ZE-DO eko“	12.000,00
3.	Upravljanje kvalitetom zraka na lokalnom nivou	3.500,00
UKUPNO		870.000,00

Broj: 12-23- /14
Zenica, 14.07.2014.godine

MINISTAR

Edin Terzić

